

დანართი № 5

დამტკიცებულია საქართველოს შრომის,
ჯანმრთელობისა და სოციალური დაცვის
მინისტრის 2008 წლის „-----“ „-----“
№----- ბრძანებით

ონკოლოგიურ დაავადებათა დიაგნოსტიკისა და მკურნალობის სახელმწიფო პროგრამა

მუხლი 1. პროგრამის მიზანი

პროგრამის მიზანია ონკოლოგიური პაციენტების ჯანმრთელობის მდგომარეობის გაუმჯობესება ფინანსური ხელმისაწვდომობის გაზრდის გზით.

მუხლი 2. პროგრამის ამოცანა

პროგრამის ამოცანაა ონკოლოგიური პაციენტებისთვის ხარისხიანი და ხელმისაწვდომი სამედიცინო მომსახურების უზრუნველყოფა.

მუხლი 3. პროგრამის მოსარგებლეები

1. პროგრამის მოსარგებლეები არიან საქართველოს მოქალაქეები, გარდა „სიღარიბის ზღვარს ქვემოთ მყოფი მოსახლეობის სამედიცინო დაზღვევის სახელმწიფო პროგრამის“ (დანართი №1) მოსარგებლეებისა და „საქართველოს საჯარო სკოლებისა და აფხაზეთის ავტონომიური რესპუბლიკის გალის ტერიტორიაზე მდებარე საქართველოს სახელმწიფო ზოგადსაგანმანათლებლო დაწესებულებების მასწავლებლების, ასევე ზოგიერთი დაწესებულების აღმზრდელებისათვის ჯანმრთელობის დაზღვევის მიზნით გადასაცემი სადაზღვევო ვაუჩერის პირობების განსაზღვრის შესახებ“ საქართველოს მთავრობის 2007 წლის 21 ნოემბრის 256 დადგენილებით განსაზღვრული მოსარგებლეებისა.

2. მოსარგებლე ამ პროგრამით გათვალისწინებულ მომსახურებას იღებს სახელმწიფო დახმარების სახით.

მუხლი 4. პროგრამის კომპონენტები

პროგრამა მოიცავს შემდეგ კომპონენტებს:

მუხლი 5. მომსახურების მოცულობა

პროგრამით გათვალისწინებული მომსახურება მოიცავს:

- ა) სპეციალისტების კონსულტაციას;
- ბ) პაციენტების დიაგნოსტიკურ მომსახურებას;
- გ) ქირურგიულ ოპერაციებს;
- დ) ქიმიო, ჰორმონო და სხივურ თერაპიას;
- ე) ონკოინკურაბელური პაციენტების სტაციონარულ მოვლას და სიმპტომურ მკურნალობას.

მუხლი 6. დაფინანსების მეთოდოლოგია და ანაზღაურების წესი

1. საბიუჯეტო ასიგნებების ფარგლებში ფინანსდება მომსახურების თითოეული ეპიზოდი. სამედიცინო მომსახურების ეპიზოდები წარმოდგენილია 16 ჯგუფად. თითოეული ჯგუფის ყველა ეპიზოდისთვის დაწესებულია ერთი საშუალო ღირებულება. თანაგადახდის წილი განისაზღვრება ნოზოლოგიური ჯგუფების მიხედვით, შემდეგი ცხრილის შესაბამისად:

N	ნოზოლოგიური ჯგუფი	ტარიფი (ლარი)	სახელმწიფო პროგრამით ასანაზღაურებელი	პაციენტის თანაგადახდა
1	თორაკალური	1660	1110	550
2	თავისერი	1530	1050	480
3	მამოლოგია	1130	750	380
4	პროქტოლოგია	1760	1210	550
5	აბდომინური	1760	1210	550
6	უროლოგია	1760	1210	550
7	რბილი ქსოვილები	1130	750	380
8	გინეკოლოგია	1530	1050	480
9	ბავშვთა	1096	1096	–
10	ნეირონკოლოგია (მოზრ)	3000	2000	1000
11	ნეირონკოლოგია (ბავშვთა)	3000	3000	–
12	სხივური თერაპია (გინეკოლ)	1410	1050	360

	ონკოპემატოლოგია (ამბ,სტაც.)	965	740	225
	კრიოთერაპია	150	120	30
	ონკოპემატოლოგია (ამბ,სტაც.)	200	150	50
16	კრიოთერაპია	120	70	50

2. 0-18 წლამდე ასაკის პაციენტებისთვის ფინანსდება შემთხვევის ღირებულების 100%.

3. ონკოლოგიურ დაავადებათა დიაგნოსტიკისა და მკურნალობის კომპონენტის ფარგლებში დიაგნოსტიკაში პაციენტის თანაგადახდა შეადგენს ფაქტიური ხარჯის 30%-ს, ჯანმრთელობისა და სოციალური პროგრამების სააგენტოს მიერ ასანაზღაურებელი თანხა იანგარიშება ასევე ფაქტიური ხარჯიდან (70%), მაგრამ არაუმეტეს 150 ლარისა. კომპიუტერული ტომოგრაფიის შემთხვევაში - არაუმეტეს 160 ლარისა. კომპიუტერული ტომოგრაფია აუცილებელია ამ მუხლის პირველი პუნქტით გათვალისწინებული ცხრილის 1; 2; 4; 5; 6; 8; 10; 12; 13; და 14 პუნქტებისათვის.

4. ნეიროონკოლოგიური ნოზოლოგიების ვერიფიკაცია ხორციელდება ასევე კომპიუტერულ ტომოგრაფიული ან ბირთვულ-მაგნიტურ-რეზონანსული კვლევების საფუძველზე.

5. ონკოლოგიურ დაავადებათა დიაგნოსტიკისა და მკურნალობის კომპონენტის ფარგლებში იმ ნოზოლოგიების მკურნალობის თანხები, რომლებიც ითვალისწინებენ პათომორფოლოგიური და ბიოფსიური მასალების კვლევას, ანაზღაურდება მხოლოდ სათანადო დასკვნის არსებობის შემთხვევაში. თუ შეუძლებელია მორფოლოგიური ვერიფიკაციის მიღწევა, ანაზღაურება ხორციელდება კლინიკურად დადასტურებული ონკოლოგიური დიაგნოზების მიხედვით, მაგრამ ასეთ შემთხვევათა რიცხვი არ უნდა აღემატებოდეს საერთო შემთხვევათა 5%-ს. ოპერაციის შემდგომი პათომორფოლოგიური გამოკვლევების ტარიფების ანაზღაურება და თანაგადახდა ხორციელდება იგივე წესით, როგორც სადიაგნოსტიკო კომპონენტში.

6. ქიმიოთერაპია და/ან ჰორმონოთერაპია – პროგრამით ანაზღაურდება ქიმიომედიკამენტების და/ან ჰორმონების ღირებულების 50%, არაუმეტეს 250 ლარისა.

7. ქიმიოთერაპია (მოზრდილთა ონკოპემატოლოგია) - ანაზღაურდება ქიმიომედიკამენტების ღირებულების 50%, არაუმეტეს 200 ლარისა.

ენტა სტაციონარული პალიატიური მზრუნველობა წოდდა, რომლის ღირებულება შეადგენს 75 ლარს. ების ღირებულების 70%.

მუხლი 7. მომსახურების შესყიდვა და განხორციელების მექანიზმები

1. მომსახურების შესყიდვა ხორციელდება "სახელმწიფო შესყიდვების შესახებ" საქართველოს კანონის შესაბამისად.

2. ხელშეკრულების პირობებს, ანგარიშსწორების ფორმებსა და წესს, სატენდერო პირობებს განსაზღვრავს ჯანმრთელობისა და სოციალური პროგრამების სააგენტო საქართველოს შრომის, ჯანმრთელობისა და სოციალური დაცვის სამინისტროსთან შეთანხმებით.

მუხლი 8. ბიუჯეტი

„2008 წლის სახელმწიფო ბიუჯეტის შესახებ“ საქართველოს კანონის შესაბამისად პროგრამის ბიუჯეტი განისაზღვრა 5 920.0 ათასი ლარით, შემდეგი ცხრილის შესაბამისად:

(ათასი ლარი)

ღონისძიება	წლიური ბიუჯეტი
ონკოლოგიურ დაავადებათა დიაგნოსტიკა და მკურნალობა	4 950,0
ნეიროონკოლოგიურ დაავადებათა სტაციონარული მკურნალობა	400,0
ონკოჰემატოლოგიურ მოზრდილ პაციენტთა მკურნალობა	420,0
ონკოინკურაბელურ პაციენტთა სტაციონარული პალიატიური მზრუნველობა	150,0
სულ	5 920,0